

Gvaq Ngeihcib Bi Ma Ranzmbanj

二十年后回故乡

Gvaq ngeihcib bi le, gou gaenq dwg boux gohyozgyah seiqgyaiq mizmingz ndeu lo. Swnh cuengqgyaj, gou boux hwnzngoengz sienginiemh ranzmbanj neix, hai gyaq ci daiyangznwngz gou fatmingz haenx mbin bae coh ranzmbanj.

Ci onjdangq hai baenaj, gova' gveiq song mbiengj goengloh gaenq maj sang' vid. Gova-gveiq lumj baenz aen baenz aen liengj hung gang ok, gij raemh de cw gvaq diuz goengloh. Duzroeg youq gwnz faex hemqica, lumj dwg angqcoux gou ma ranzmbanj. Baenz doengh baenz doengh laeuz sang seiq caengz yiengh lumj aendapcihgim hoengzhoengz loegloeg haenx, cingjingj caezcaez baiz youq song mbiengj goengloh, moix doengh laeuz dingjlaeuz cungj miz aen suenva ndeu. Neix dwg gou deng gij daegdiemj gezgou maenhdangq aendapcihgim ciuhgeq Aihgiz daezsingj sezgi ok aenranzlaeuz moq. Ranzlaeuz dwg au caizliu gauhgohgi mbaeu vanzbauj guh baenz, dwg cungj ranzlaeuz rox diemheiq ndeu, dingj saenqdoengh gig ndei, ndaej guhdaengz 8 gaep deihsaenq saenq mbouj laemx, 9 gaep deihsaenq mbouj miz saeh.



Ci gou ngamq dingz ndei, daxmeh couh daj ndaw ranz okdaeuj coux gou. "Meh, iek yaek dai lo!" Gou riu naeuz. Vah gou ngamq gangj sat, "ranzdajcawj cinwngz" henz de couh gag haidoengh lo, yaep he daiz haeuxbyaek rangfwd he couh baij youz gwnz daiz. Cungj "ranzdajcawj cinwngz" neix dwg baengzyoux ndei gou Fucihbauh Gunghsw h cungjaiz Yangz Hauyuz fatmingz, cijaeu gihgi ciepsou daengz coenzvah daegbied haidaeuz anlaeb ndei haenx, lumj cih "iek" ha daengj, couh rox guh ok haeuxbyaek feihdauh daeuj. Haxbaenh mwh gou haeuj dou, "ranzdajcawj cinwngz" gaenq doiq gou guh cienzfueng' vih sauymyauz, rox gij sibgvenq gwn caeuq gwn lainoix gou, baujingq guh' ok haeuxbyaek habbak youh mbouj saisaengq.

Gwn imq ndoet doh le, daxmeh daiq gou bae yawj aending, aenrug..... ranz moq, dou daeujdaengz ruglienhdang ndaw seiq laeuz, gizneix miz ngeihcib lai aen conghcueng yiengh lumj aenhauhdoengz, lumj godaengngoengz nei riengz aendaengngoengz baenq. Gij conghcueng neix hawj hoengheiq caeuq ndit daihliengh haeuj ndaw rug daeuj, lij daiq gij heiqhaeu heiqfeiq ok rog bae. Dingjlaeuz an benjdenciz daiyangznwngz caeuq aengih rengzrumz fatdienh, gyagiengz le vunzlai doiq saekloeg nwnzyenz sawjyungh, ndaej mbaet conzdungj nwnzyenz, youh gemjnoix wyangjvadan baizcuengq.

Yawj aen ranzmbanj gyaunde, gou daj ndawsim gamjsouh daengz— vunzlai roxnyinh danqnoix, vanzbauj yied daeuj yied lai, raen vuenyungz hix itdingh yied daeuj yied lai.

(Huzbwz Swngj Cangzyangz Dujgyahcuz Swciyen Siyen Siujyoz haj nienzgaep Maj Veijsinh)

Duz Gaeqboux Rox Mbin

会飞的公鸡

Gaeqbouxlgw youq mwh iq couh raen duzyiuh youq gwnz mbwn mbin, gaeqbouxlgw hozhaenz bae liux, caemh siengj mbin, couh ngoenzngoengz lienh mbin.

Haujlai bi gvaqbae le, gaeqlwg maj hung lo, baenz duz gaeqbouxlaux ak he. De daeuj daengz dingjbya, guh gij yiengh yaek mbin. Duz yiuu ndeu mbin gvaqdaeuj cam naeuz: "Daegnuengx ha, mwngz yaek guh maz?" Gaeqboux naeuz: "Gou au caeuq gyoengqsou ndijgaen youq gwnz mbwn mbin!" Duzyiuh riu de: "Nuengx baenzlai biz, lij siengj youq gwnz mbwn mbin, vanzdwg dauq bae ranz mwngz gwn haeuxnyawh ba!"

Gaeqboux simnaiq liux, de baenzlawz cungj mbouj saenq vah duzyiuh. Gaeqboux youh caiq guh gij yiengh yaek mbin, liux le couh cungfozfoz buet daengz henz dat, diuq roengzbae lo. Vunzranz gaeqboux youq ranz deq le geij ngoenz, cungj deq mbouj daengz gaeqboux dauqma. Yienghneix vunzranz couh dauqcawq bae ra gaeqboux, gvaq geij ngoenz youq ndaw ndoengfaex laj bya raraen gaeqboux, ga de gaenq raek.

Sieng ndei le, gaeqboux youh siengj bae dingjbya lienh mbin. De naeuz hawj vunzranz rox, vunzranz gangj maz cungj mbouj hawj, mbouj siengj hawj gaeqboux caiq bae guh saeh yungyiemj. Hoeng gaeqboux lij dwg gietdingh bae sawq mbat ndeu, vihliux mbouj hawj gaeqboux oksaeh, vunzranz caemh gaen bae lo. Daengz dingjbya, gaeqboux youh caiq guh gij yiengh yaek mbin, mbat ndeu couh diuq roengz dat bae.

Vunzranz gaeqboux vaiqdi daengz henz dat ngonz, mbouj raen gaeqboux, gyoengqde laihnaeuz gaeqboux youh doek roengz ndoengfaex bae lo, sawqmwh miz duz yiuu ndeu mbin gvaqdaeuj naeuz: "Gyoengq vunzranz gaeqboux, ngonz doxhwnj vei!" Gyoengq vunzranz gaeqboux ngonz doxhwnj, neix mbouj dwg gaeqboux ma? De rox mbin lo!

Doeklaeng, duz gaeqboux rox mbin haenx ndaej gyoengqvunz gyo youq ndei gwn van ngoenz ndei gvaq ngoenz, mbin bae giz gyae lo.

(Gveigangj Si Gangjibwz Gih Gveicwngz Gaihdau Cunghsinh Siujyoz sam nienzgaep Vangz Yihangz raiz Yangz Yenlinz hoiz)

Gou Mbouj Caiq Loengh Soujgih Lo

我不再玩手机了

Aenvih gou dam loengh soujgih, cadi hailh gou bingz mbouj hwnj hagseng ndei. Baez neix "gwn haemz" hawj gou ciuhvunz nanzlumz.

Gou daj hwnj sam nienzgaep, couh yinx loengh soujgih lo, daengxngoengz mbouj liz soujgih, mwh hwnjdangz hix laeglemx loengh. Hoeng hwnj daengz seiq nienzgaep, daxboh daxmeh hainduj son guenj gou yiemzrwdrd, lauxsae hix daengxngoengz yawj gou, neix hawj gou cingzcik doek haujlai, dajneix mbouj caiq doxhwnj gvaq, lauxsae doiq gou saetmuengh, lij miz bohme h saetmuengh, hozhwnj, gou cungj mbouj roxnyinh daengz. Baez ndeu, vanzlij deng bohme h dop naj geij mbat, gou hozhwnj raixcaix, roxnyinh bonjfaenh loengh di youzheiq mbouj miz maz, lij

ndaej dem dungxcaiz ne, mbouj guh saehloek. Gig vaiq, daengz baez cei q laeng ciuqei gaujsi, cingzcik gou doek daengz byailaeng, daxmeh daxboh mboujdan siengsim youh hozhwnj raixcaix, hoeng gou lij caengz roxnyinh guh loek gijmaz, lijdwg daengxngoengz yinx loengh soujgih, daxboh daxmeh baez hozhwnj, fad aen soujgih gou dekdad bae, gou sim lumj cax heh nei, baez daih' it rongx coh bohme h, buet okdou daeuj.

Gig vaiq, haggeiz gaujsi doekbyai bi gauj baez yaek daengz, aenvih yinx loengh soujgih, sojmiz sawsa gou hag haenx ca mbouj lai lumz liux lo, gou cengdi vutvet lo. Hoeng gou youh mbouj naemj hawj bonjfaenh bienqbaenz boux vunz mbouj miz yungh ndeu, yienghneix aen singgeiz gaxgonq gaujsi, gou un

saw haenqrwdrd, seizseiz cungj hag. Cingzcik okdaeuj, gou gauj ndaej haeuj nienzgaep baihnaj 50 mingz, mwhhaenx gou angqyangz

dwk diuq yut diuq yet, lauxsae, bohme h cungj roxnyinh neix dwg gienh saeh naemj mbouj doeng ndeu.

Ndaej baez hit neix, gou yienznaeuz yinx loengh soujgih mbouj rox mbwq, caeklaiq gou gipseiz singsag gvaqdaeuj mbouj caiq loengh. Seizneix gou caiq hix mbouj yinx loengh soujgih, cix anbaiz ndei seizgan, au hag youqgaenj.

(Seiq nienzgaep Cwngz Yigyauh)

